



Ilangussaq 1 UKA 2015/25

**Tusarniaanermi akissutigineqartunut oqaaseqaat:**

**CPR-imut inatsisip allannguutaanut Kunngip peqqussutaata  
Kalaallit Nunaannut atuutitineqarnissaanik peqqussut pillugu  
Naalakkersuisut oqaaseqaateqarnissaat pillugu Inatsisartut  
aalajangiiffigisassaatusiunnersuut.**

Allakkat ulluat: 29-07-2015  
Suliap nr.-a. 2015 - 940  
Dok. nr. 795628

Postboks 1078  
3900 Nuuk  
Tel. (+299) 34 50 00

E-mail: [digitalisering@nanoq.gl](mailto:digitalisering@nanoq.gl)  
[www.naalakkersuisut.gl](http://www.naalakkersuisut.gl)

Cpr-imut inatsit Folketingip 2015-imi upernaakkut ataatsimiinnerani allanngortineqarpoq, inatsisikkut nr. 545-kkut 29. aprili 2015-imeersukkut. Allannguut inuit ataqqinassusiagaanissamik inooqatigiinnermulluunniit attuumassuteqartunik akkerliissuteqartoqartillugu sooranartorsiortut najugaasa immikkut illersorneqarnissaanik periarfissaqalersitsivoq. Najukkap immikkut illersugaanerani inuup kommunemit nuussimaneranik nalunaarsorneqarnissaanik periarfissaqalerpoq.

Ataqqinassusiagaanermi inooqatigiittulluunniit akkerliissuteqarnermi § 28 naapertorlugu nalinginnaasumik aqqit najukkallu paasissutissiisutigineqannginnissaasa illersugaanerata naammangitsoq paasineqarpoq. § 28-p taamaallaat aternik najukkallu paasissutissartaanik inunnut ingerlatitseqqittoqannginnissaa killilerpaa. Ateq najugarlu pillugit paasissutissat illersugaasut pisortatigoortumik CPR-inik takunnissinnaasunit tamanit takuneqarsinnaapput. Najugaq pillugu paasissutissanik illersugaasunik tunniussineq assigiinngitsorpassuartigit pisinnaavoq. Najugaq pillugu paasissutissaq suliamut suliarineqartumut tunngatillugu tunniuttoorneqarsinnaavoq, imaluunniit najugaq pillugu paasissutissaq qarasaasiatigit paasissutissaatinit tunniuttoorneqarsinnaalluni.

Inuup najugaata paasissutissartaasa immikkut illersorneqarnissaat politiinit aalajangerneqartarpoq. Politiit aalajangiinerat politiit sulinerminnut atatillugu naliliinerannit aallaaveqartarpoq. Eqqugaasup siorasaarneqarnerata annertussusaa aallaavigineqarluni. Naliliinermi ilanngunneqassaaq eqqugaasup piffissami tassani najukkani pillugu paasissutissat, aammalu politiit illersuinissaminnut periarfissaat allat ilanngullugit isertuussisinnaassuseqarlunilu isertuussinissaminut periarfissaqarnerpoq.

Inuit siorasaarneqartut pitsaanagerusumik illersorneqarnissaat kisiat siunertaralugu siunnersuut manna siunnersuutigineqarpoq.

Meeraq najukkap paasissutissartaanik illersugaasumi angajoqqaamini najugaqartoq, imaluunniit najugaqalersoq taassuma nalunaarsorneqarfia malissavaa.

Aalajangiiffigisassat siunnersuuteqarnikkut Naalakkersuisut kissaatigaat danskit naalakkersuisuisa innuttaasut sooranartorsiorlutik immikkut inissisimasut illersorneqarnissaat pillugu nuna tamakkerlugu periusissialionerat tapersorsorniarlugu.

Pisumi tamatumani pissutigalugu inuttut ataqinassusiaagaanissamik inooqatigiinnermulluunniit tunngatillugu akerleriissuteqarnermi sioorasaarneqartarmata.

Kalaallit Nunaanni politiit 2014-imi ukiumoortumik naatsorsusiaasa aallarniutaani nalunaarutigineqarpoq danmarkimut sanilliullugu sisamariaat sinnerlugu nakuusersianerit suliassanngortinneqartut, aamma 13-eriaat sinnerlugu kinguaassiuutitigut kannguttaatsuliornerit suliassanngortinneqartut.

Pineqartumi sukumiisumik pitsaaliuinnermik suliaqartoqarnissaa suli pisariaqartinneqarpoq. Suliassaq ataatsimoorullugu isumaginninnermik sulialinnit, atuarfinit, peqqinnissaqarfimmit, piomassutsiminnik suliniaqatigiiffinit, pinerlutsaaliuinnermut siunnersuisoqatigiinnit PiSiumit aamma Kalaallit Nunaanni politiinit suleqatigiissutigineqartussa.

## **Tamanut tusarniaaneq**

Inatsisartut aalajangiiffigisassaattut siunnersuut pillugu tusarniaassut, Naalakkersuisut nittartagaatigut, tamanut saqqummiunneqarpoq ulloq 26. maaji 2015, akissuteqarnissamut killiliunneqarluni ulloq 30. juuni 2015.

Kinguaattoornerit, aamma kunngip peqqussutissaatut siunnersuutip kiisalu eqqikkaanerup kalaallisoortaasa kukkuneqarneri pissutigalugit eqqortut aatsaat saqqummiunneqarput ulloq 12. juuni 2015. Tusarniaassutit tusarniaaffigineqartussanut tamanut nassiusuuteqqinneqarput ulloq 12. juuni 2015, tusarniaassutigineqartullu Naalakkersuisut nittartagaanniittut iluarsineqarlutik.

Tusarniaanermi akissut siullesq 12. juuni 2015-ip kingorna tiguneqarpoq.

## **Oqartussa qarfiit suliffe qarfiillu tulliuuttumi taaneqartut tusarniaaffigineqarput:**

Aalisarnermut, Piniarnermut Nunalerinermullu Naalakkersuisoqarfik	Departementet for Fiskeri, Fangst & Landbrug
Akilerartarnermut Aqutsisoqarfik	Skattestyrelsen
Aningaasaqarnermut Naalakkersuisoqarfik	Finansdepartementet
Aningaasaqarnermut Sulisoqarnermullu Aqutsisoqarfik	Økonomi- og Personalestyrelsen
Foreningen Grønlandske Børn	Foreningen Grønlandske Børn
Kalaallit Nunaanni Politiit	Grønlands Politi
Peqqissaasut Kattufiat	Grønlands Sygeplejerskeorganisation

Ilaqutariinnermut , Naligiissitaanermut Isumaginninnermullu Naalakkersuisoqarfik	Departementet for Familie, Ligestilling og Sociale Anliggender
Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik	Departementet for Uddannelse, Kultur, Forskning og Kirke
Ineqarnermut, Sanaartornermut Attaveqaqatigiinnermullu Naalakkersuisoqarfik	Departementet for Boliger, byggeri og Infrastruktur
Inuit Pisinnaatitaaffii pillugit Kalaallit Nunaata Siunnersuisoqatigiivi	Grønlands Råd for Menneskerettigheder
Inuussutissarsiornermut, Suliffeqarnermut Niuernermullu Naalakkersuisoqarfik	Departementet for Erhverv, Arbejdsmarked og Handel
Kalaallit Nunaanni Naligiissitaanissamut Siunnersuisooqatigiit	Ligestillingsrådet i Grønland
Kalaallit Nunaata Eqqartuussisuuneqarfia	Retten i Grønland
Kalaallit Nunaata Eqqartuussisuuneqarfia	Landsretten i Grønland
KANUKOKA	
KANUNUPE	
Kommune Kujalleq	
Kommuneqarfik Sermersooq	
MIO – Meeqqat Inuusuttullu Oqaloqatiginnittarfiat	Børnerettighedsinstitutionen / National Advocacy for Childrens Rights
Nunatsinni Advokatit	Grønlandske Advokater
Nunatsinni Nakorsaaneqarfik	Landslægeembedet
Naalakkersuisut Siulittaasuata Naalakkersuisoqarfia	Formandens Departement
Naatsorsueqqissaartarfik	Grønlands Statistik
Peqqissutsimut Naalakkersuisoqarfik	Departementet for Sundhed
Peqqissutsimut Pitsaaliuinnermullu Aqutsisoqarfik	Styrelsen for Sundhed og Forebyggelse
Pinngortitamut, Avatangiisinut Inatsisinillu Atuutsitsinermit Naalakkersuisoqarfik	Departementet for Natur, Miljø og Justitsområdet
PiSiu - Pinerlutsaaliuinnermut Siunnersuisooqatigiit	Det Grønlandske Kriminalpræventive Råd
Qeqqata Kommunua	
Qaasuitsup Kommunua	
Sulinermik Inuussutissarsiuteqartut Kattuffiat	SIK

SIK

Sulisitsisut

Grønlands Arbejdsgiverforening

### **Tusarniaanermut akissuteqarput:**

**Aalisarnermut, Piniarnermut  
Nunalerinermullu Naalakkersuisoqarfik**

**Departementet for Fiskeri, Fangst &  
Landbrug**

Oqaaseqaatissaqanngilaq.

**Aningaasaqarnermut Sulisoqarnermullu  
Aqutsisoqarfik**

**Økonomi- og Personalestyrelsen**

Oqaaseqaatissaqanngilaq.

### **KANUKOKA**

Inatsip allannguutaata kingunerisaanik allaffissornikkut aningaasatigullu kommunenut annertunngitsumik kinguneqaataassasoq naatsorsuutigineqarpoq, CPR-imut nalunaarsuinermit aamma pineqartut najugaasa paasissutissartaasa kommunemi allaffissornikkut sulinermi ikitsuinnarnit ilisimaneqarnissaata qulakkeernissaanut tunngatillugu.

Taassuma saniatigut allanik oqaaseqaatissaqanngilaq.

### **Kommuneqarfik Sermersooq**

Kommuneqarfik Sermersuup allannguutissatut siunnersuut kalaallit nunaanni pissutsinut piviusunut tunngatillugu pisariaqanngitsutut isigaa, taamaattorli siunnersuut tapersersuinnarlugu inatsimmi anguneqartussatut siunnerfigineqartut illersorneqarnerat annikillisinngikkaluarlugu Danmarkip Kalaallit Nunaata akornanni nuussinnaanissaat pissutigalugu.

**MIO – Meeqqat Inuusuttullu  
Oqaloqatigiinnittarfiat**

**Børnerettighedsinstitutionen / National  
Advocacy for Childrens Rights**

Siunnersuut MIO-p innersuussutigivaa.

§ 6 imm. 6-imut tunngatillugu MIO-p erseqqissarpaa Naalagaaffiit Peqatigiit meeqqat pillugit isumaqatigiissutaat art. 12 naapertorlugu aalajangiineq meeqqap tusarniarneqartariaqarneranik nassataqartoq.

Akissut:

Cpr-imut inatsisip taamaallaat siunertaraa inuit aalajangersimasumik najugaasa imaluunniit sumiiffiisa nalunaarsorneqarnissaat. § 6 imm. 6-i tamatumani immikkut ittuuvoq.

Cpr-imut inatsit naapertorlugu meeqqap sumerpiaq inissisimanera nalunaarsorneqassaaq, tamanna meeqqat sumiiffimmi inissisimanera inatsisit malillugit malinnagiilluunniit pigaluarpat.

Meeqqap najugaqarfia pillugu aalajangiisoqassatillugu meeqqap tusarniarneqarnissaanut pisinnaatitaaffia atorneqassaaq.

**Peqqissutsimut Naalakkersuisoqarfik**

**Departementet for Sundhed**

Oqaaseqaatissaqanngilaq

**Pinngortitamut, Avatangiisinut Inatsisinillu  
Atuutsitsinermut Naalakkersuisoqarfik**

**Departementet for Natur, Miljø og  
Justitsområdet**

Oqaaseqaatissaqanngilaq

**Qeqqata Kommunia**

Qeqqata Kommunia oqaaseqaatissaqarani KANUKOKAmut ilisimatitsivoq.

**Sulisitsisut**

**Grønlands Arbejdsgiverforening**

Sulisitsisut naatsorsuutiginnilaat akiligassaqarfigineqartoq najukkami illersugaasumi najugalimmut piunasaqaateqarsinnaanera siunnersuutikkut allanngortinneqassasoq, taamaalillunilu suliffeqarfik pineqartoq inummut pineqartumut piunasaqaateqarnissaminut periarfissaqassasoq.

Taassuma saniatigut allanik oqaaseqaatissaqanngilaq.

Akissut:

Akiligassaqarfigineqartut cpr-imut inatsit naapertorlugu najukkat pillugit paasissutissanik pissarsisinnaanera siunnersuutikkut allanngortinneqassanngilaq.

Akiligassaqarfigineqartut cpr-imut inatsit naapertorlugu inunnut qaffasissumik ilisarnaatilerneqarsimasunut periarfissaqarnertik assigalugu periarfissaqarput.